

## 2 PETERO

### Pepa Petero ñgere muli panzi kalo-tawana tamâta

*Yesu ne pâri-tamâta Petero ñgere ñgua panzi Juda tamâta ñinde kalonzi tawana Yesu ku simo pwapwataki (1 Petero), aku zo pinde ilâ lâ, ñineña ñgere ñgua pinde panzi kilo. Petero ne zo ñana imâte kê nde imâ ipânga laiti lâ (1:14), aku isama tu kinzi pananâña tamâta lajeña pinde nde simo kinzi ñgu ñgininzi, ku situla ilo-kalo soki-soki siyaula tamâta nenzi kalo-tawana. Kinzi pinde siporo tu Yesu ma itaulo imâ kilo tia, andeta Petero itula ñgua mao tu Yesu ne zo nde ikeno mo ñai yo (3:3-13). Ara ñana kinda râràni ma tapu mulinda pa ñgua lajeña, ku tapaveta kuku Maro Kindeni kawa ñgua mao.*

<sup>1</sup> Naña Saimon Petero, naña nde Yesu Kirisi ne wurâta tamâta, aku amo i ne pâri-tamâta tava. Yesu ina kinda nenda Maro Ñalae wa nenda Yautâña Tamwata wa. Naña angere ñgua lâ pepa ñine tini imâ pa miki kalo-tawana tamâta. Yesu Kirisi ne vetâña ara ikai nzâla piti pami lâ ñana nemi kalo-tawana ipânga kelekele ara ndo, itogo maka nema kalo-tawana mine.

<sup>2</sup> Kala ñine miki kasama Maro Kindeni ku nenda Maro Ñalae Yesu rua kilalanzi marumbu lâ. Mine kala Maro Kindeni ne wisi-wisi wa wisi-pisi wa imâ ñalae pami.

*Maro Kindeni ipatea kinda pa i tamwata*

<sup>3</sup> Kirisi nde ña ñalae ndo, aku ina vetâña ara warika. Aku inani isarâwa pa kinda ku itula i tamwata kilala pwataki pa kinda tasama lâ. Mine kala io tamwata ne walo kaika imâ pa kinda, kala takura tu tamo sondo ku tapaveta kuku vetâña arara, aku kinda ma taroto ñana sâ tonje kilo ñana tapavila warakânda kâ, ande ma tia.

<sup>4</sup> Ñana i kilala ara ñinde kâ, ande iveta vetâña arara kie-kie pa kinda lâ, ikura muñga ipa ñgua tu ma iveta mine. Aku vetâña ñinde uru isuka kinda, kala takura tu tanjenje ñana vetâña potomule ne pazavaruña kâ, vetâñani ndaina tamâta nenzi ilo-kalo sakamao iveta ipâñga tâno kulu. Mine kala kinda takura tu tamo sondo ndo, itogo Maro Kindeni imo mine.

<sup>5</sup> Kirisi iveta vetâña ñinde rârâni pa kinda lâ. Mine nde ara ñana miki ma kakai wurâta kaika ndo ñana kalomi tawana i mao nâ. Kaveta mine lâ ñga, ñineñga kakai wurâta kaika ñana kapaveta kuku vetâña arara. Kaveta mine lâ ñga, ñineñga kakai wurâta kaika ñana kapanâna sondo ñana i ne ilo-kalo kâ.

<sup>6</sup> Kaveta mine lâ ñga, ñineñga kakai wurâta kaika ñana kakai poe sondo pa warakami ilomi kalomi. Kaveta mine lâ ñga, ñineñga kakai wurâta kaika ñana kamandi kaika lâ zo ndia malia ipâñga pami. Kaveta mine lâ ñga, ñineñga kakai wurâta kaika ñana kamo itogo Maro Kindeni ilo papa mine.

<sup>7</sup> Kaveta mine lâ ñga, ñineñga kakai wurâta kaika ñana kaveta kemi ara nâ panzi nimi-nambwe kalo-tawana tamâta. Kaveta mine lâ

nga, ninennga kakai wurâta kaika nana kao ilomi ndo ilo panzi tamâta rârâni.

<sup>8</sup> Aporo ngua mine nana duvi nîne kâ; ambo vetâna mine ma ikeno pami lee ipânnga nalaie tina, ande ninde ma isuka nemi wurâta kaveta pa nenda Maro Nalae Yesu Kirisi kâ. Mine nde nemi wurâta ninde ma ipânnga kanaanjo, aku miki ma kasama i kilala sondo tona.

<sup>9</sup> Ambo kalo-tawana tamâta tonje ma ipaveta kuku vetâna ninde tia, ande i imo itogo tamâta mata naña mine. I ipânnga tamâta mata levala nâ, aku i kalo kapa tu Maro Kindeni munja izavaru kiesaka ne muso piti lâ i tini.

<sup>10</sup> Niŋgu-nambwe wukale, Maro Kindeni munjani isarawami lâ, aku ipateami pa i tamwata nâ. Mine nde ara nana miki ma kakai wurâta kaika nana kaponu muli pa i ne pateâna ninde. Ambo miki ma kaveta mine, ande nemi kalo-tawana ma ikura nana imbe kâ, ande tia.

<sup>11</sup> Ninennga Maro Kindeni ma ilo ndeka pami ku ma ikai nzâla piti pami nana kakai via mao lâ samba lawea. Aku miki ma kamo kuku nenda Maro Nalae Yesu Kirisi, ina nenda Yautâna Tamwata, ma kamo ara mine ku kamo nâ.

<sup>12</sup> Mao nâ, miki kapanâna lâ nana kelekele ninde kâ, aku miki kapaipa lâ kuku ngua mao munja kalonjo ninde. Andeta naña ma aporo nguani ndaina pami kilo ikura zo zo, nana miki ma kalomi ngere kilo nana ninde kâ.

<sup>13</sup> Naña ilonju patepa tu ambo naña ma akai wurâta mine nana apanjo ilomi kalomi ikura zo rârâni naña amo viânju lâ tâno kulu, ande ninde ma ara.

14 Nana tu naŋa asama ŋine; zo mbwana-mbwana nâ, ŋinenŋa naŋa ma apile karaenŋu ŋine ku amâte. Nenda Maro Njalae Yesu Kirisi itula ŋine pwataki pa naŋa lâ.

15 Mine kala ŋine naŋa ma aveta wurâta kaika ndo ŋana apano ilomi kalomi kâ. Ninenŋa lâ zo ŋana amâte kâ, ande miki ma kakura tu kalomi ŋgere kilo ŋana ŋgua ŋine kâ ikura zo zo.

*Kinzi pâri-tamâta simora Maro Kindeni ne sinâla pwataki lâ Yesu Kirisi tini*

16 Muŋga maka katula ŋgua pami ŋana Maro Njalae Yesu Kirisi ne zo ŋana itaulo imâ kilo tava ne walo kaika. Andeta maka ŋandai katapâri tamâta nenzi usi kaa nâ pinde pami ŋga. Maka warakama matama kamora i ne walo kaika ŋinde.

17 Zo tonŋe, kawa ŋgua ne sarawâŋa iyoka pa Maro Kindeni ne sinâla ŋjalae ilo ku indue imâ pa Yesu Kirisi mine tu, “Naŋa natunŋu ara kala ŋine. Naŋa tiningu mwasa papa wa ilonŋu ndeka papa wa.” Aku lâ zoni ndaina, kinda Tamânda Maro Kindeni isuka Yesu Kirisi ŋa kâki, aku Yesu tini pasinala.

18 Maka warakama kalono ŋgua ŋinde ne sarawâŋa iyoka pa samba ilo indue imâ, lâ zo ŋinde maka kamo kuku Yesu lâ tuu sapâŋa ŋinde kulu.

19 Mine nde maka kasama tu ŋgua-tulâŋa tamâta muŋgâŋa nenzi ŋgua ŋinde nde mao kanaŋo. Aku ara ŋana miki kala ma kalomi tawana ŋgua ŋinde mine nâ. Ngua ŋinde nde itogo sinâla ŋana ipane kondoma pwataki kâ.

Aku sinâla ñinde ma isinala nia mine lee mbwale pwataki, ñineŋga pitu mboi ñalae ma ipâŋga ku ma isinala ilomi kalomi. \*

<sup>20</sup> Miki ma kapanâna sonde ndo ñana ñgua ñine kâ, ñana tu ñine nde kelekele ñalae tina; siŋgani, lâ zo ñinde kinzi ñgua-tulâŋa tamâta siporo ku siŋgere nenzi ñgua lâ pepa tini, ande kinzi warakanzi sikura ñana situla ñgua ñinde ne duvi pwataki, ande tia.

<sup>21</sup> Andeta Koroani Sapâŋa ikai poe pa kinzi ñgua-tulâŋa tamâta ilonzi kalonzi, kala situla Maro Kindeni kawa ñgua. Kinzi ñandai sikai poe pa warakanzi ilonzi kalonzi ñineŋga situla ñgua ñga. Tia ndo kanaŋo.

## 2

*Kinzi tamâta sakamao pinde siyaulanzi kalo-tawana tamâta ilonzi kalonzi*

<sup>1</sup> Mao nâ, muŋga ñgua-tulâŋa tamâta laŋeŋa pinde simo lâ Isrel ñgu ñgininzi. Aku mine nâ, pananâŋa tamâta laŋeŋa pinde ma simâ sipâŋga miki ñginimi tona, aku ma sikai laŋeŋa nâ sipanananzi tamâta ñana Maro Kindeni ne vetâŋa kâ. Kinzi ma sipavea nâ situla ñgua laŋeŋa kaŋa-kaŋa ñana sizavaru ilomi kalomi kâ. Maro Ñalae muŋga iyautenzi pananâŋa tamâta ñinde piti lâ kondoma ilo, andeta kinzi sipu mulinzi pa Maro Ñalae kilo. Mine nde Maro Kindeni ma muli izavarunzi walele nâ.

<sup>2</sup> Andeta kalo-tawana tamâta rârà ma sipaveta kuku pananâŋa tamâta laŋeŋa ñinde nenzi

---

\* **1:19** 19 Petero isia ñgua ñana Yesu Kirisi kâ lâ Pitu Mboi tini.

vetâᅇa potomule kie-kie. Mine kala tamâta pinde ma siporo ᅇgua soki-soki ᅇana Nzâla Mao kâ.

<sup>3</sup> Kinzi pananâᅇa tamâta laᅇᅇa ᅇinde ilonzi yosi ᅇana tâno ne kelekele nâ. Mine kala kinzi ma siveta ᅇgua laᅇᅇa râra ᅇana sikai nemi mbaliᅇa wa kelekele saᅇemi. Andeta singani Maro Kindeni ipatea tu ma izavarunzi tamâta ᅇinde ndo. Aku i ᅇandai ikeno mata ᅇga. I ma iveta panzi ikura muᅇga ipa ᅇgua tu ma iveta mine.

<sup>4</sup> Miki kasama tu muᅇga, kinzi aᅇelo pinde siveta kiesaka, aku Maro Kindeni igera kinzi tia ndo. Itambiranzi silâ yâa ᅇalae ne mbâa ilo, aku ipanzi lâ wâlo kaika tini. Kinzi uru simo mine lâ nia ᅇaᅇa ilo, aku sindaᅇe Maro Kindeni ne zo ᅇalae ᅇana ipare nia sondo panzi kâ.

<sup>5</sup> Aku miki kasama tu nia ndoyo, tamâta râraᅇni simo siveta vetâᅇa sakamao nâ lâ Maro Kindeni nao. Mine kala ipare nia panzi lâ. Iveta pondi ᅇalae ipâᅇga panzi ku izavarunzi ndo lâ, kala naonzi tia lâ. Aᅇga timbunda Noa, i tamâta ᅇana itula ᅇgua pwataki ᅇana vetâᅇa ara kâ, ande Maro Kindeni ikea ᅇana i tavanzi tamâta lima kanaᅇonzi rua, kala kinzi ᅇinde nâ simo ara.

<sup>6</sup> Aku miki kasama tu muli, Maro Kindeni ipa ᅇgua ᅇana izavaru Sodom lawea wa Gomora lawea wa. Isupwa yâa indue imâ ikananzi lawea rua ᅇinde, kala kâa nâ ikeno. I ilo tu kinzi tamâta sipâᅇga muli-muli ᅇinde ma kalonzi ᅇgere ᅇana mâsi ᅇalae ᅇinde muᅇga ipâᅇga pa Sodom lawea ᅇga Gomora lawea. Ambo kinzi kala ma sipu mulinzi pa i, ande mâsi kie mine

ma ipângga pa kinzi tona.

<sup>7</sup> Anğa Loto, i nde tamâta ara ndo lâ Maro Kindeni nao, ande i muŋga imo Sodom lawea. Imora vetâŋa potomule kie-kie kinzi tamâta sakamao ŋinde siveta, kala ilo malia ndo. Mine kala Maro Kindeni ikea ŋana Loto, kala imo ara nâ.

<sup>8</sup> Loto nde tamâta ara lâ Maro Kindeni nao, taitu i imo kunzi tamâta simo Sodom lawea, aku ikura zo zo imora nenzi mâsi sakamao wa iloŋo nenzi ŋgua soki-soki wa. Mine kala i ilo kura tia ndo, aku kalo loko nâ.

<sup>9</sup> Miki kasama lâ ŋana vetâŋa ŋinde rârâni. Aku ŋinde itula pwataki tu lâ zo ndia samâŋa wa malia mine ma ipângga panzi tamâta, ande Maro Ŋalae uru ikea ŋananzi tamâta ea kalonzi tawana i. Anğa kinzi kiesaka tamwatanzi, ande Maro Ŋalae ikainzi kaika ku nâna ilanzi lee, ikura lâ zo ŋalae ŋinde i ma ipare nia sondo panzi.

<sup>10</sup> Aku lâ zo ŋinde, tamâta pinde ma sikai pareŋa-nia sakamao ŋalae tina. Naŋa aporo ŋananzi tamâta ŋinde sipono muli pa ilo-kalo siŋga ne mâsi sakamao, ku simora tukuŋa rârâni tu kelekele kaa nâ.

Ayo, pananâŋa tamâta laŋeŋa pinde nde simâ sipângga lâ, kala simo ŋginimi. Kinzi nde taŋa-kaika tamwatanzi, aku sipaveta kuku warakanzi nenzi pateâŋa nâ. Mine kala kinzi ŋandai simege ŋananzi aŋelo arara ŋinde simo samba ilo ŋga. Kinzi siporo ŋgua pavaligiŋa nâ panzi.

<sup>11</sup> Taitu aŋelo ŋinde nenzi walo kaika nde ŋalae ndo, ipolenzi pananâŋa tamâta laŋeŋa

ņinde nenzi walo. Andeta kinzi aņelo simege ņana Maro Ȓalae kâ. Mine kala kinzi ņandai siporo soki ku sisowe ņgua lâ tamâta ņinde tininzi lâ Maro Ȓalae nao ņga.

<sup>12</sup> Aņga pananâņa tamâta laņeņa ņinde nde sitogonzi ņgoa ņgoi, nenzi ilo-kalo tia ndo. Ambo ilonzi igagatinzi tu siveta vetâņa tonģe, ande ma siveta nâ. Vetâņa ara ndia kinzi sizizâla ņana, ande kinzi siporo ņgua pavaligiņa lâ ņinde tini. Muli ņga Maro Kindeni ma ikainzi tamâta ņinde kaika ku ma izavarunzi ndo lâ, itogo uru taveta panzi ņgoa ņgoi mine.

<sup>13</sup> Kinzi uru nâna silanzi tamâta pinde. Mine nde muli Maro Kindeni ma itu ņana nenzi vetâņa ņinde, aku ma nâna ilanzi. Kinzi sindeka ņana sika wa sinu ņalae tina lâ tamâta naonzi, aku mainzi tia ndo. Mao nâ, kinzi sindeka ņana sika potomule mine nâ kuku miki.

<sup>14</sup> Īkura zo zo, ambo kinzi matanzi ilâ simora taine tonģe, ande ilonzi ndo tu ma sipalulua tininzi kuku i. Kinzi uru ilonzi yosi mine ku simo nâ. Kinzi uru siporo silanenzi tamâta pinde, kinzi ņinde nenzi kalo-tawana ikeno kaika tia, aku silele tamâta ņinde naonzi ilâ tu siveta kiesaka. Kinzi ilonzi ndo ņana sikai tamâta pinde nenzi kelekele saņenzi kâ. Mine kala Maro Kindeni ma izavarunzi pananâņa tamâta laņeņa ņinde ndo lâ.

<sup>15</sup> Kinzi sipile vetâņa ara ne nzâla marumbu lâ, kala soka potomule silâ wa simâ wa. Kinzi sipono muli pa Beor natu Balam ne vetâņa. Muņga, Balam iveta kiesaka, aku ilo yosi ņana mbumbu ikai lâ kiesaka ņinde tini.



16 Iveta mine lee, ñineŋga zo tonje “donki” tonje kawa ipwa, kala iporo ñgua itogo tamâta mine. Donki ñinde imbita Balam ñana i ne vetâña sakamao ñinde kâ. Kinda tasama tu kinzi donki sikura tu siporo ñgua, ande tia. Mine kala ñgua-tulâña tamâta lajeña Balam imora mâsi ñalae ñinde, aku ipile ne vetâña kapa-kapa ñinde.

17 Kinzi pananâña tamâta lajeña ñinde nde sitogo lââ bwalika ipâŋga mâsa-mâsa ndo mwasina. Aku sitogo take-take karâzi ikeno ilo, andeta lawea itapala ilâ kala karâzi imbe tia. \* Maro Kindeni ipatea nia kondoma ñaŋa ndo pa kinzi tu ma silâ simo nia ñinde.

18 Ñana tu tamâta ñinde kawanzi ñalae sisuka warakanzi ñanzi kâki, aku sindeka nâ ñana nenzi ñgua kaa kaa ñinde. Kinzi siporo ñgua mâru-mâru silañenzi tamâta pinde, kala ilonzi kâki ñana sipalulua tininzi potomule kâ. Kinzi sitapanzi kalo-tawana tamâta wasaseki pinde, kinzi ñinde muŋga nâ sipile tinikoa nenzi mâsi sakamao. Kinzi ilonzi tu kalo-tawana tamâta wasaseki ñinde nenzi kalo-tawana ma imbe ndo.

19 Pananâña tamâta lajeña ñinde uru siporo mine tu, “Ambo miki ma kapaloŋo pa maka, ande miki ma kamo tinimi soo nâ, aku ma kakura tu kaveta vetâña ndia warakami nâ ilomi papa.” Andeta kiesaka ne nimbu nde ikainzi kaika lâ, kala simo sakamao nâ. Ñinde nde duvi mine; ambo tamâta tonje isâu pa kelekele tonje

---

\* **2:17** 17 Ñgua siâña ñine nde duvi mine; pananâña tamâta ñinde siporo tu ma sivilanzi tamâta, andeta ñandai sivilanzi ñga.

tu ikai poe kaika papa i, ande ñinde itogo iveta wurâta koa tia nâ pa kelekele ñinde.

<sup>20</sup> Pananâña tamâta lajeña ñinde muŋga kalonzi tawana nenda Maro Njalae Yesu Kirisi, ina nenda Yautâña Tamwata, aku nenzi kalotawana ñinde ivilanzi tu singenge ñana tâno ne vetâña sakamao kâ. Andeta muli ñga sipaveta kuku vetâña sakamao ñinde kilo, kala vetâña sakamao ñinde ne nimbu nde ikainzi kaika ku ipu nenzi walo ndue lâ. Muŋga, lâ zo ñinde kinzi sizizâla yo ñana Kirisi kâ, ande kinzi simo ara tia. Taitu vetâña sakamao ñinde ne nimbu nde ipanzi kaika kilo, kala simo sakamao ndo.

<sup>21</sup> Ambo pananâña tamâta lajeña ñinde sizizâla yo ñana nzâla ara kâ, ande ñinde ma ara tia. Taitu kalonjo ñga; kinzi silonjo pâri ara ku sisama nzâla ñinde kilala pwataki lâ, aku sipono muli pa Maro Kindeni ne tukuña. Andeta muli, kinzi sipu mulinzi pa nzâla ñinde kilo, aku ñinde nde ara tia ndo.

<sup>22</sup> Kinzi nenzi vetâña mine nde iyoke ñgua pinde tamâta uru siporo. Ñgua tonge nde keno mine; “Ambo mbwâmbwa ilua, ande i ma itaulo ika ne luâña ñinde kilo.” Anŋa ñgua tonge kala ikeno mine; “Ambo ñgoa ilili lâ lââ ilo, ande i ma itaulo kilo ku ipu ndumu lâ nziña ilo.”

### 3

*Ñgua ñine nde mao kanaño; Maro Njalae ma itaulo imâ kilo*

<sup>1</sup> Niŋgu-nambwe wukale, naña muŋga anŋere ñgua lâ pepa tonge tini ku ao imâ pami, kala ñine anŋere ñgua pinde lâ pepa tini kilo imâ

pami. Lâ pepa rua ñine, ande naña aṅgere ṅgua ṅana apanjo ilomi kalomi kâ, ṅana miki ma kalomi ṅgere kilo ṅana ṅgua mao wa ilokalo ara wa.

<sup>2</sup> Naña ilonḡu tu miki ma kalomi ṅgere kilo ṅana ṅgua ṅinde Maro Kindeni ne ṅgua-tulâṅa tamâta muṅga situla. Aku naña ilonḡu tu miki ma kalomi ṅgere kilo ṅana Maro ṅalae ne tukuṅa tona, ina nenda Yautâṅa Tamwata. Muṅga kinzi pâri-tamâta simâ pami ku situla ṅgua tukuṅa ndainani nâ pami kalonjo lâ.

<sup>3</sup> Naña ilonḡu tu miki ma kalonjo ṅgua ñine sondo; muli ṅga, ande tamâta pinde ma simâ sipâṅga. Kinzi tamâta ṅinde ma sipaveta kuku vetâṅa sakamao ndia ilonzi papa ṅinde. Kinzi ma siporo ṅgua pavaligiṅa pami mine tu,

<sup>4</sup> “Yesu muṅga iporo tu i ma itaulo imâ kilo, a? Ande imo ndia, a? Yoo, i ma itaulo imâ kilo tia! Nia ndoyo, lâ zo ṅinde tâno ipâṅga wasaseki, aku imâ lee ikura lâ zo ṅinde timbunda simâte lâ, aku lâ zo ñine wa, ande vetâṅa wasaseki tonḡe kie mine ipâṅga tia ndo.”

<sup>5</sup> Tamâta ṅinde tininzi pwâka tu kalonzi ṅgere sondo. Mine kala kinzi kalonzi kapa ṅana ñine kâ; nia ndoyo, Maro Kindeni iporo ṅgua kala ipulianzi samba tava tâno sipâṅga lâ. Ikai lââ ku iveta tâno, ṅinenḡa io tâno kâki ipâṅga lâ lââ ṅgini.

<sup>6</sup> Aku muli, ṅinenḡa Maro Kindeni ikai lââ ndainani nâ ku iveta pondi ṅalae ikâki ipaṅando tâno ku iyaula tâno ndo lâ.

<sup>7</sup> Kala lâ zo ñine, ande Maro Kindeni kawa ṅgua ndainani nâ uru ikatona samba wa tâno

wa. I ma iveta mine lee, ikura lâ zo ñalae ñana i ma ipare nia panzi tamâta ea sipu mulinzi pa i, aku ma izavarunzi ndo lâ. Aku lâ zoni ndaina i ma isupwa yââ ikananzi samba wa tâno wa, kala naonzi tia lâ.

<sup>8</sup> Ninggu-nambwe wukale, lâ Maro Ñalae nao, ande kari taitu mai nâ nde zo luandongo, itogo mbwera 1,000 mine, anga mbwera 1,000 nde zo mbwana-mbwana nâ, itogo kari taitu mai nâ mine. Miki ma kalomi ngere sondo ñana ñinde kâ, aku kalomi kapa ndimo.

<sup>9</sup> Ñana tu tamâta pinde ilonzi patea tu Maro Ñalae uru iveta ne ngua pâña ipânga kanaanjo walele tia, aku situ ñinde nde soki. Andeta tia. I tini pwâka tu tamâta taitu ma ipayaula. I ilo tu kinzi tamâta rârâni taitu-taitu ma sipalele ilonzi kalonzi ku kalonzi tawana i. Mine kala i kalo sukâña ñananzi ku imo io tini nâ.

### *Samba wa tâno ma naonzi tia lâ*

<sup>10</sup> Taitu Maro Ñalae ne zo ñana itaulo imâ kilo kâ, ande ma imâ ipânga itogo nanzare tamâta uru imâ ipânga mine. Lâ zo ñinde, ande nduñeña ñalae tina ma ipânga, aku samba ma nao tia lâ. Aku yââ ma ikananzi pitu rârâni marumbu lâ. Anga tâno tava kelekele ndoni ikeno tâno kulu, ande ñinde ma marumbu ndo.

<sup>11</sup> Miki kalomi ngere sondo nga! Vetâña mine ma izavaru kelekele rârâni ñinde, kala ma naonzi tia lâ. Mine kala lâ zo ñine, ande miki ma kamo tamâta mana, a? Ara ñana miki ma kapasakana ilomi kalomi sondo ku kapaveta kuku vetâña rârâni Maro Kindeni ipatea ku itula pami ñinde.

<sup>12</sup> Ara ɲana miki ma kao tinimi nâ ɲana Maro Kindeni ne zo ɲana imâ ipare nia panzi tamâta kâ. Aku ara ɲana miki ma kapasusua zo ɲinde tu imâ ipâŋga walele nâ. Lâ zo ɲalae ɲinde, ande yââ ma ikana samba marumbu lâ, aku yââ ne mela-mela kaika ma ikananzi pitu rârâni tona. Mine kala pitu ɲinde ma sipâŋga sitogo lââ mine.

<sup>13</sup> Andeta Maro Kindeni ne ɲgua pâɲa ikeno mine tu i ma muli ipulia samba wa tâno wasaseki. Aku lâ tâno wasaseki ɲinde, ande tamâta rârâni ma sipono muli mao nâ papa i. Kinda uru tao tininda nâ ɲana Maro Kindeni ne ɲgua pâɲa ɲinde tu ma ipâŋga kanaɲo.

*Ara ɲana kinda ma tapakatona sondo ku tao tininda ɲana Maro ɲalae kâ*

<sup>14</sup> Niŋgu-nambwe wukale, miki uru kao tinimi nâ ɲana Maro Kindeni ne zo ɲalae ɲinde ɲana imâ ipâŋga kâ. Mine nde ara ɲana miki ma kakai wurâta kaika ɲana kapakatona warakami nemi ilo-kalo sondo kâ. Ambo miki ma kaveta mine, ɲinenɲa lâ zo ɲalae ɲinde, ande miki ma kamandi lâ Maro Kindeni nao tava ilomi mbârambâra nâ. I ma imora soki wa kiesaka tonɲe ikeno tinimi, ande tia. Mine kala i ne wisi-nâna ma ikeno pami tia ndo.

<sup>15</sup> Miki kalomi ɲgere ɲana ɲine kâ; Maro ɲalae uru io tini pa kinda tu tapalele ilonda kalonda, ɲana tu i ilo tu iyaute kinda rârâni piti lâ kondoma ilo. Muŋga, Maro Kindeni itula ilo-kalo ara pa ninda-nambwe Paulo, kala iŋgere ɲgua kaɲa taituni nâ imâ pami lâ.

<sup>16</sup> Lâ i ne pepa rârâni, ande Paulo uru ingere ngua kaŋa taituni mine ŋana zo ŋalae ŋinde kâ. Mao nâ, zo pinde Paulo ne ngua katiŋe ne duvi ŋandai ikeno nia yo ŋga, kala taroto ŋana ngua ŋinde ne duvi. Mine kala tamâta pinde uru situla ngua ŋinde ne duvi soki-soki. Kinzi tininzi pwâka tu sisama ngua ŋinde duvi, aku nenzi kalo-tawana nde kaika tia. Kinzi sikai Maro Kindeni kawa ngua rârâ ikeno lâ pepa tini, aku silele soki-soki mine nâ. Mine nde lâ Maro Kindeni ne zo ŋalae ŋinde, ande i ma izavarunzi tamâta ŋinde ndo lâ.

<sup>17</sup> Niŋgu-nambwe wukale, miki kasama lâ ŋana pananâŋa tamâta laŋeŋa ŋinde nenzi vetâŋa. Mine nde kapakatona warakami sondo ŋga. Tia ma pananâŋa tamâta sakamao ŋinde silaŋemi ku sisowe ilomi kalomi, kala nemi kalo-tawana ma imbe tâ.

<sup>18</sup> Kinda nenda Maro Ŋalae Yesu Kirisi, ina nenda Yautâŋa Tamwata, ande uru io ne wisi-wisi imâ pami, aku miki kasama i kilala marumbu lâ. Ara ŋana miki ma kakai wurâta kaika ŋana kapanâna sondo ndo ŋana ŋinde kâ. Tapanea Yesu Kirisi tasuka i ŋa kâki ikura zo zo! Mao.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de